

PHILIPPVS ME LANTHON LECTORI S.



Non mihi si linguæ centum sint, orac̃ centum, enumerare possem, quàm multis in rebus usus sit numerorum. Et ita sunt in conspectu atq̃ obuiæ utilitates non solum numerorũ, sed etiam artis, quæ longas & intricatas rationes mirabili dexteritate subducit & explicat, ut neminẽ quãlibet hebetem esse existimẽ, qui nõ & numeros miret̃ & de arte ipsa præclare sentiat. Quare si prolixũ encomiũ de his utilitatibus instituerem, perinde facerem, ut si accenderẽ, quẽadmodum Græci dicũt, ἐν τῇ μεσημβρίᾳ λυχνόν. Sed hominis studiosi est intelligere, quas utilitates p̃prie afferat Arithmetica his, qui solidã & perfectã doctrinã in cæteris philosophiæ partibus explicãt. Quòd enim uulgo dicũt, Principiũ esse dimidium totius, id uel maxime in philosophiæ partibus conspicitur. Vnus est aditus ad præstantissimam philosophiæ partem De motibus cœlestibus, Cognitio Arithmetices. Et hæc tantam uim habet, ut mediocriter exercitatus in Arithmetica, facile cætera perspiciat & assequatur. Ita plus quàm dimidium totius eius philosophiæ tenet is, qui mediocriter cognouit Arithmeticen. Hanc tantam utilitatem præditi generosis naturis diligenter considerent, ut & exuscitent animos ad amorem huius artis, & præparent se ad per-

α ἦ cipi-